

GALATAS

Galacia Jiinjeri Iicamedi Pablo Acaatiniuhaame.

1 Uujoho Pablo minisuminaafi, miyaminaa uco iicimoro agalluubo icatino. Jesucristoro uco agalluubo, bu diiboco guijevfeenetu ubuheetesuubo Moocaani uco agalluubo. ² Jaamo miikai, uujoho, bu paryi monahabomi icamo jihaameque macaatinihi Galacia jiinjeri iicajano Moocaani iijanominaadi. ³ Jaamo amiihai Moocaani, bu Mohaivojiiibo Jesucristo icamisi aacino sajeebii imino omoonino icanoma mihica. ⁴ Jaabo ifiico mohallivi aaciuboro guijeveuhi mohimitihallivi, mihaico itaajasuqui jihimiti jiinjetei; Dios Moocaani jeebii onoobadi. ⁵ Jaabo Moocaanico mihimo fahiijivaro. Fine.

Chahabogo Sibogo Taajasujiiibogo.

⁶ Uco aivo sihidi meheetyesuhi guenene icatimoro Moocaanico mejeevesuneri Cristo mihaico agaijinofenedi amiihaico ucuuhuvahiniiboco. Jaamoro siibadi icano jiiibogocoro magaayicahi. ⁷ Sibogo chahahi miya taajasujiiibogo. Jilli iifurumo sita amiihaico casivusuhicahi. Jaamoro imogomo Cristo taajasujiiibogoco sibogoti ubuunaninoco. ⁸ Jaanoti amiihaico taajasujiiibogoco mahacihininobuunati uujoho, bu niquejefañoti asaabo Moocaani toomominaafi icaruubo, bu saatoho sita icaruva icano siibadi iicabogoco mijiiibogohachijii, miikai Moocaani afaijanoguiino mihicajirahi. ⁹ Jaanoco uujoho fone nuucuuihi. Jaarunoco bu jino siino neehi: Amiihai taajasubogoco magaayicihinicubogohallivi sita amiihaico sibogoco ijiiibogohachijii diito Moocaani fajaguuiino icahi.

¹⁰ ¿Nacu jilli onoonoti miyaminaa uco cahacisuhi? Cha, tolli icatino Moocaani uco acahacisunoco imeguehi. Uujoho jaanoti imogotii uco miyaminaa acahacisujirunoco omooninoco. Jaanoti miyaminaaco cahacisuruva, uujoho Cristo jeevivominaafi icajitirahi.

Jilli Pablo Minisuminaafiti Minifutuuhi.

(Hch 8.1-3)

¹¹ Jaanogui magaaja jinooco tañahabomi: Uujoho taajasujiiibogoco jiiibogono miyaminaafi esamaajere icatino. ¹² Toonoco uujoho cajaan miyaminaafiti gaayicihinitiihi. Mihainooba uco jiiibeguehinitiihi. Jesucristoro uco jinooco gaajasuhinihi.

¹³ Amiihairyo magaajacuui iticoni judiomi iijico omoonihicausumi imino omoonihicaunoco. Amiihairyo magaajacuui uujoho Moocaani iijanaminaaco finisuqui idaasuno omoonihicaunoco. ¹⁴ Jaabo uujoho judiomi iijico aivo tayoto taticovoviro ificabano iicaurumo janaanacivi imino mooniuihi. Uujoho aivo imino moonihicaui moheetetemihai iijico. ¹⁵ Jaaruboco uco Moocaani sahiijitiro iciuhi fiivuutiibocoro, sihidi agaijimaño uco iciubo. ¹⁶ Tolli iimuguuboro uco Illico gaajasuubo, uujoho diibo taajasujiibogoco jiiibeguequi judiomi iicatimofeenevi. Jaabo jilli iicausumi miihaiñoobajaago fuutihi toonoti uco ijiibeguequi. ¹⁷ Bu Jerusalevi fuutihi iticoni tahimegavi minisuminaati iicacuumoco toonoti idillutoobo. Jilli ro guenene icatiiboro fuuhi Arabia jiiinjevi. Jahigoti uhuumiubo gaseuhi Damasca cuumivi.

¹⁸ Jaabo mificabaci, saficaba icanobuunati jari Jerusalevi fuuhi. Jahigo jari Pedroco gaajauhi. Jaaboma fahuseeci satihai idiino fucuvano icauhi. ¹⁹ Jaaruubo bu saatohoba minisuminaaco atyimeutihi idiibocoro Jacoobo Aivojiibo Jesu nahaboco atyimeuhi. ²⁰ Moocaani imefeenevi miyanotiro jino neehi acaatiniibo.

²¹ Jaanobuunati fuuhi Siria, Cilicia icano jiiinjevi. ²² Jaaboco uco monahabomi Cristota Judea jiiinjeri iicamo imino atyimeutihi. ²³ Jilli ro uguubuumoro uuditi neehicaui: Iticoni miihaico toonohalliti idaasuno omoonihicaubo, jisumi taajasujiibogoco jiiibogoboro feehicahi toonoco iticoni ifinisuqui omoonihicaunoco, noomoro. ²⁴ Jilli noomoro uuditi Moocaanico imehicaumo.

Saatoho Minisuminaa Pabloco Gaayicahi.

(Hch 12.)

2 Jaanobuunati fahuseeci motihaiti igueenemeheje idiino ficabavabuunati siino fuuhi Jerusalevi, Bernabe onooboma. Jaabo uujoho satyuuhi tahigo Tito onooboco. ² Tahii fuuhi, Moocaani uco tahii difo unuuneguiiha. Jahi Jerusalevi Moocaani iijaminaa imiyaamoma ijeevadi mihigaivuuhi diitoco imino jiiibuguuhi taajasujiibogoti judiomi iicatimofeenevi jiiibeguehicaaboti. Jilli mooniuihi ududicamaaihicauno jihovonobadi iicajiruneguiiha. ³ Jahigo uuma ufuubo Tito judiomi oobo icautiruuboco iimeeheque miihai miquticisuutihi. ⁴ Jaarunaa miya nahabomi iicautum mofañodi toovono ijicafutuumo imuguuhi diibo meeheque iquiticiunoco. Jaamo diito mofeenevi jicafutuui gaajaminaati ufuumo, Cristo Jesuma mihicacuunofeenedi judiomico atajiiibahicanoti mataajacuunoco agaajatuumo. Jaamoro miihaico siino Moise tajiiba jiiivototi imoonisuqui ufuumo. ⁵ Jaarumoma sihidi mejenaucasiuhi. Amiihai taajasujiibogoco miyaanoco magaayicicuunoco jeevesutimo toonofañoro miicaqui.

⁶ Jaarumo diito imiyaamo iicaurumo uco bohobogobadi iicanoco ajashuno jiiibuguutihi. Jaarumo diito tolli icano uco milli moonitihi, Moocaani miyaminaaco udugaacutimaño. ⁷ Jaamo uco bohobobati jiiibogotimoro jilli ro gaajaciumo uco Moocaani judiomi iicatimojaago taajasujiibogoco satyequi aaciuboro atajiiibaunoco, Pedroco diiboro tobogocoro judiomi jaago isatyequi aciubo. ⁸ Miiro diiboro Moocaani Pedroco minisuminaafiti judiomifeenevi agalluubo, uco minisuminaafiti galluui judiomi iicatimofeenevi.

⁹ Jaamaño Jacoobo, Pedro, Jua iicamoco aivo imiyaamo enehicaumo gaajaciuhi Moocaani uco toono dudicamaajeque aaciunoco. Jaamoro misico ihuseneye aciuimo uco, Bernabeque icano. Jilli mooniumo magajिकासिमो manahabovacasijinoco. Jaamoro bu imuguumo misi judiomi iicatimofeene mududicamaaituujinoco. Jaanoti diito judiomiguiiha toonoviro fitafutuuhi diitofeenevi idudicamaaiqui. ¹⁰ Jaamo misico idiinocoro tajiibauhi iidaasumoco mehesafetehicajinoco. Jaanoco uujoho jabajeevetiibo imino moonihicahi.

Pablo iibahi Pedroco Antioquia Cuumivi.

(Hch 12.1, 2)

¹¹ Jaanobuunati Pedro Antioquia cuumivi ufuuboco ihimefeenevi uujoho iibauhi, imitino omooniuohalliti. ¹² Iticoni machuhicaubo sano judiomi iicatimehejema. Jaanaa Jacoobajaagodi iicaumo saatoho judiomi agasecuudi diito judiomi iicautimoti udugaavuuboro siino diitoma machucuutiibo, diito ibai meehe quitici tajiibaminaa iicaumaño diitoco iiguiuboro. ¹³ Jaabadiro bu saatoho judiomi Cristoco imiyaavugucuurumo Pedro abañisuubo omoonihicaubadiro minifutuumo, bu Bernabe icaruubo diitobadiro minifutuuhi. ¹⁴ Jaamo diito miyaano taajasujibogo onoobadi icatimo iicaunoco aatyimeuboro Pedroco famoohimefeenevi nuuhi: Ijoho judiomioobo diicaruubo judiomi iicanicibadi icatiiboro, judiomi iicatimo iicabadi diicahicahi. Bu, ¿milli jaabo toono judiomi iicatimoco judiomibadi iicaqui tajiibahicahi? nooboro nuuhi.

Judiomi, Saatohobadiro Miyaavogofenedi Taajahi.

¹⁵ Miihai naha mifiivuunotiro judiomi. Jaamo miihai siijiinijeoto imitiminaa iicabadi mihicatihi. ¹⁶ Jaarunofaño magaajahi, Moise tajiibaco omoonirumoco miihaiñoobaco Moocaani agaayicijitinoco. Jaanoti idiinotiro miihaico gaayicijiibo Jesucristoco mimiyaavogofenedi. Jaamaño bu miihai Jesucristoco mimiyaavuguuhi miihaico toonofenedi Moocaani igaayiciqui. Jaamo miihai tajiibaco momooninoti magaayicicafototihi. Jaamaño miihaiñoobaco Moocaani gaayicijitihitajiiba onoonoco omoonimoco.

¹⁷ Jaanoti Cristofenedi miihaico Moocaani agaayicinoco momooninaaca saatoho miihaico neehicahi: Imitimo, Moise tajiiba onoobadi moonitimo, noomoro. ¿Nacu fine Cristo miihaico imitiminaati eetavehi? ¡Cha, tolli icatino! ¹⁸ Jaanoti naha ifinisucuuno tajiibaco, bu siino dojicuviro eetavuruva uujoho imitiminaafiti icajirahi. ¹⁹ Miiro uujoho tajiibati iguijevecubobadi icacuuhi; toonoro tajiiba uco gaajasuuhi toonofenedi taajatiibo iguijevejinoco. Jaaneguiiha jisumi uujoho Moocaani imogobadi moonihicahi diibeguiiharo iicumaño. ²⁰ Jaabo Cristo imohohallivi iguijevehinisumi uuma sano guijevehinicuubo. Jaaneguiiha uujoho iguijevecunobadi. Jaamaño uujoho diibo icacuutihi, Cristorucu jino tafifaño icano. Jino uujoho iicano ifiima icahi, Moocaani Achico imiyaavogofenedi. Diibo uco agajjiuboro tahallivi ifiico aciubo guijevefaño. ²¹ Jaamaño Moocaani imihuseque uujoho tihisutitihitajiiba onoonoco momooninoti miinoco Moocaani igaayiciruva, Cristo iguijeveuno jaaduvechujitirahi.

¿Tajiiba Nacu Imihi? ¿Nacu Miyaavogo Imihi?

(Rm 4.1-25)

3 iAyi! Aivo jihovoto amiihai Galata cuumioto. ¿Miijoho amiihaico bañihi miyabogo taajasujiibogoco miyaavogotimo miicaqui? Miiro amiihaico mijiiibogomoro imino amiihaico mihifusucuuhi diiboro Jesucristo etetecuciniiboco foovono magajaqui. ²Eneecata jinoti uco mijiiibogo: ¿Milliti amiihai Moocaani Gajjaco magaayicinihi? ¿Nacu Moise tajiiba ononoco momoonihicaunoti? ¿Nacu muguubuhininoco mimiyaaveguehininoti? ³Milliti jaamo amiihai jihovotobadi mejeevahi. ¿Nacu Moocaani Gaija sefari miticonihininoco, jilli mosefariro mihifutusuji, noomoro mehesicinihi? ⁴Sicamañobadiro mafatysudino toonohalliti idaauno mihicanoco. Tolli fine icajitino. ⁵¿Nacu milliti amiihaico Moocaani Igajjaco aaciiboro amiihaifeenevi aatyimeratinehejeque moonihicahi? Tajiiba ononoco momoonihicamaño icatino, muguubunoco mimiyaavuguumaño.

⁶Miiro Abraham Moocaanico imiyaavuguumaño diiboco Moocaani gaayiciuhi. ⁷Toonoti amiihai magaja, paryi imiyaavogomo miyaano Abraham iyaachimihai. ⁸Miiro Moocaani siicjetiro judiomi iicatimoco imiyaavogofeenedi agaayiciujinoco aatyimeuboro Abrahamco siicjetiro jiiibugucuuhi jino iimino jiiibogoco Caatinihaamefaño: Difeenedi paryiicino jiiije cuumiminaa imino moonicafeteji, nooboro. ⁹Jaamaño paryi imiyaavogomo, Abraham imiyaavuguuboma sano imino moonicafotonicino.

¹⁰Jaamaño paryi Moise tajiiba ononocoro imiyaavogomo Moocaani afaijanoguiino icahi. Miiro Caatinihaame neehi: Paryi tajiiba Caatinihaamefaño ononoco imino iifutusutimo Moocaani afaijaunoguiino icahi, noonoro foovono aivo icano. ¹¹Jaamaño miihaiñoobaco Moocaani gaayicitihhi tajiiba ononoco omooninoti. Miiro Caatinihaame neehi: Moocaani agaayicimo, imiyaavogofeenedi icaji, noonoro. ¹²Jaamaño Moise tajiiba miyaavogoyomono icatihhi. Miiro noono: Jinehejeque paryi imino omoonimo toonofeenedi icaji, noonoro.

¹³Jaano toono tajiiba faijati Cristo miihaico taajasucuuhi. Miiro diibo mohalliti fajaguiino minifutuuhhi. Miiro Caatinihaamefaño noono: Afaijacinimo paryi imohohallivi etetecucafotomo, noonoro. ¹⁴Jilli icauno Abrahamco imino omooniguunoco Jesucristofeenedi judiomi iicatimo igaayiciqui, bu famooro miyaavogofeenedi Moocaani Igajjaco aaciguuboco magaayiciqui icano.

Tajiiba, Bu Aaciguuno Icano.

¹⁵Tañahabomi, miyaminaa ifiivi ooviciiboro jino amiihaico jiiibeguehi. Saafi miyaminaafi ononoco eheetavoobo toonohallivi imomoco acaatininoco miihaiñooba siino toonohallivi cububarutatihi, bu buusutatihi icano. ¹⁶Jaabadi Moocaani Abrahamco, iyaachico icano aacijinoco eetavuuhhi. Miiro Caatinihaamefaño: Ajashutimoco monoonicibadi, diyaachimihico, nootino. Miiro: Diiyaachico, noono. Jaabo saafiuro diibo Cristo. ¹⁷Jaanoco jino uujoho neehi: Moocaani Abrahaama ihiimaaburo diiboco aaciguunoco eetavuubo miyanotiro iicaqui. Jaamaño toonobuunati Moise tajiiba cuatrocientos treintadi ficabavabuunati agaseuno, toonoco finisuvajitirahi Moocaani aciji

unuunoco jaaduveechucuutinobadi moonijitirahi. ¹⁸ Jaano bu Moocaani aaciguuno Moise tajiibafeenedi isaaciniruva, ticovono aaciguuno icajitiruno. Jaaruna miiro Abrahamco Moocaani aciguuhi jilli ticovono.

¹⁹ Jaanegui, ¿nacu, collihiicaqui Moise tajiiba icahi? Jilliro imitino mihicanoco igajasuqui. Jaaruno Abrahamco: Diiyaachi, unuubo asaautinohachutaro Moise tajiiba iicaqui. Jaano tajiibaco Moocaani itoomominaafeenedi Moiseque jibuguuhi diibo miyaminaaco ijibeguequi. ²⁰ Jaanoti saafiro jilli ticovono aaciguunoco aacimaño sififeenedi acitaiibo. Jaabo Moocaani saafiro ihaciguunoco jilli ticovono aciibo.

Tajiiba Onoono.

²¹ ¿Nacu jino Moise tajiiba Moocaani aaciguunojaagodi icatihu, eneejiruno? Cha, icano. Miiro fiivoco ihaciqui tajiibaco ihaciruva Moocaani miinoco gaayicijirahi tajiiba onoonoco momooninofeenedi.

²² Miiro Caatinihaamefaño noono: Paryi famooro miyaminaa imiti jijovoto, noonoro. Jaano tolli icamaño Jesucristoco imiyaavogomo imiyaavogofeenedi Moocaani aaciguunoco gaayiciji.

²³ Iticoni jino miyaavogo agaseutisumi tajiiba mihaico iiguinovi jijovototi ficuhicauhi, miyaavogoco aacino agaajacafutuutinohachuta.

²⁴ Jaamaño tajiiba, seeme toomominaabadi jeevauhi. Seemeque mihicanicibadi mihiatotoco jibeguehicauno Cristo asaautinohachuta. Jaamo mihai diiboco mimiyaavogomoco Moocaani igaayiciqui.

²⁵ Jaamaño jisumi Cristoco mimiyaavogono agasecumaño tajiiba mihaico ootomoguiino mihicacuutihu. ²⁶ Miiro miyaavogofeenedi paryi famooro amihai Moocaani seemeti mihicahi Cristo Jesuma mihicacumaño.

²⁷ Paryiicino famooro amihai Cristo Jesujaagovi miminifetequi miniticafutuumo diiberi mijiiicinihi gaachehuco mohallidi mijiiiciniyadi.

²⁸ Jaamaño judiomi, griegomi monoono chahacuuhi, bu jijovoto, bu jijovoto iicatimo, bu gaifiimi, bu gaigoomi oono icamo. Miiro Cristo Jesujaagodi mihicacumaño paryi famooro saafiro mihicacuuhi. ²⁹ Jaamo Cristota mihicacumaño Abraham iyaachimihaiti mihicacuuhi. Jaamo magaayiciji Moocaani aaciguunoco.

4 Jaamaño uujoho neehi: Miiro seemene caanimi busumijeque agaayicijiibo seemene iicasumi jijovoobobadi icafihu, paryi toneheje abajaabo icajiruubo. ² Miino saatohe tonehejeque ootomomoro imino ficufihu caanimi: Jino dinoo, noomoro ohoovicijifucu agasenehachuta. ³ Jaabadi mihai mihicauhi momiyaavogo seemebadi ujusitinochachuta. Jilli miyaminaa esamaaje onoonoguiino mihicahicauhi. ⁴ Jaarunaa tufucu agasecuudi Moocaani Illi Cristoco galluuhi gaigooti ifiivuboco. Jaabo jijehallivi saauhi judiomi tajiibaguiino iicaubo. ⁵ Jilli saaubo mihai toono tajiibaguiino toono jijovototi mihicamoco itaajasuqui; Jaadi mihaico Moocaani iseemeti igaayiciqui.

⁶ Jaamo amihai Moocaani seeme mihicacuunoco igajasuqui Illifeenedi Igajaco^a amihai jeebiifaño galluubo. Jaabo Igajafeenedi meneehicahi: Moocaani, ijoho Taacaani, noomoro. ⁷ Jaamaño ijoho Moocaani seemenerucu, jijovono diicacuutihu. Jaabo ijoho iseemene idiicamaño ico Moocaani ibusumijeque aaciguunoco aciji Cristofeenedi.

a 4.6: Griego ijiri: Illi Gajaco, noono.

Pablo Jeebii Miyaavogominaajaagoviro Icahi.

⁸ Iticoni naha amiihai Moocaanico magajautisumi, jihovoto caanimi jijovototi mihicauhi. ⁹ Jaarumo jisumi Moocaanico magajacuui. Cha, tolli icatino, imiga amiihaico Moocaani agaajacuumo. ¿Collihi jaamo siino dojicuviro miminifetehi toono iniinovano esamaajefañ, bu iidaasunofañ icano siino toonoguiinovi jijovotobadi? ¹⁰ Amiihaihiica suufenitimo mificuhicahi siibadi iicafucujeque, bu nihibanoco, bu ifafucuvaaco, bu ficabanoco icano Moise tajiiba unuubadirehiica. ¹¹ Aivo ñihicuguehi tadyudicamaaje amiihaifeenevi sicamañovi ofoomañovi.

¹² Tañahabomi, amiihaico neehi: Jaamo uubadi miminifetehi, uujoho amiihaibadi iminifotobadiro. Amiihai uco imitino momooniuno icatino. ¹³ Amiihairyo magajacuui iticoni amiihaico taajasujiibogoco iguihuvaumaño sihigo footiibo amiihaico ijiibuguunoco. ¹⁴ Jaano toono iguihuvauno jilli amiihaico inisuuno. Jaaruuboco amiihai uco mitihisuutihi, mijiihegueueutihi icano. Jilliro Moocaani toomominaafico, bu Cristo Jesuco icano mihicanicibadi uco magaayiciuhi. ¹⁵ Tusumi imo imo mihicauno. ¿Cuuca jaano jisumi icahi? Amiihaiditi neehi: Sihidi jeevatino iicauruva amiihai aalliinoco tusumi mihicumoro uco mahacijirahi sihidi uco magajiumañ. ¹⁶ ¿Nacu jaabo jisumi amiihaiminaafiti minifutucuui, amiihaico miyaanoco onoonohalliti?

¹⁷ Diito Moise tajiiba jii bogominaa amiihaico imeguehicahi, jilli amiihaico imino imooniqui icatino. Jilliro amiihaico miihaiditi sihigovi udugaacunoco imogomo. Jaamo amiihai diito onoonocoro mihimeguequi. ¹⁸ Imijiruno saatoho amiihaico agajjinoco mihimogono. Jaarunofañ amiihaima iicasumiro icatino uujoho iicabadi fahijivaro. ¹⁹ Taseemegayimi, siino bu uujoho aiveneri idaasuno icahi amiihaiditi, gaigo iseemevaqui aivogo iicanicibadi. Jaabo idaasuno icaaboro icaji amiihaifañ Cristo jii bogoco ujusitino, bu diibobadi mihicatinohachuta icano. ²⁰ Jaachijiro amiihaima iicacuujirahi, simañodi amiihaima iimaacui. ¿Jaaruubo milli bu amiihaico neejirahi tahi iicatimaño?

Sara, Agar Icamifevi Ohoovicino.

²¹ Amiihai Moise tajiibaguiino mihicanoco mihimogomo jinooco uco monoo: ¿Nacu amiihai muguubutihi toono tajiiba onoonoco? ²² Miiro Abraham miiseeciico seemevauhi noono. Saseeque seemevaubo ijijovogo Agar onoogoma. Jaanoti saseeque seemevaubo imiyataaba Sara onoogoma jijovogo iicautigoma. ²³ Ijijovogo seemene fiivuuhi paryi famoova seeme ifiivonicibadiro. Jaanoti imiyaago seemene fiivuuhi diibofenedi Moocaani aaciguuno imiyaavequi. ²⁴ Jaano jino jilli diitifevi oovicicafetehi minooi unuuno. Agar oovicicafetehi Sinai onoogajivi unuunoco. Tsumivi unuuno seeme fiivehi tajiiba jijovototi iicaqui. ²⁵ Jaago Agar oovicicafetehi Arabiari iicagaji Sinaigajivi, bu Jerusale cuumi jisumi iicacuumivi icano. Jaamaño tuucuumi paryi judiomima toono tajiibaguiino jijovototi icahi. ²⁶ Jaanoti niquejefañ iicano Jerusale sajeebiima iicacuumi. Jaacuumi seeme miihai. ²⁷ Miiro Caatinihaame neehi:

Imo imo diica ijijoho achiba idiicago, eseemevatigo.

Imo imo idiicaneri janaaniviro coovadiinamaahicahi
ijijoho seemeva aivoco agaajatiguehiica. Miiro ijijoho
eedevesucafututugo sihidi diseemema diicaji, aijima iicago

janaanivivi, noonoro Moocaani aaciguuno Moise tajiiba
janaanivivi sihidi jeevahi, eneejiruno.

²⁸ Tañahabomi, jaamaño miihai Isaac iicabadi mihicamo. Miihai Moocaani aaciguuno seeme. ²⁹ Jaamaño miiro Agar achi Ismael onoo bo johono jisumi famooseeme ifiivonicibadi fiivuubo. Jaanoti Sara achi Isaac onoo bo, Moocaani Gaija Abrahamco unuubadi ifiivuu boco Ismael jiiheguehicauhi. Jaabadiro bu jisumi Ismael yoto jiiheguehi Isaac yotoco. ³⁰ ¿Nacu milli Caatinihaame neehi? Miiro noono: Buih gallu dijjovogoco illima. Miiro ijijovogo seemene ibusumijeque gaayicijitihii sano imiyaago seemenema, noono. ³¹ Tañahabomi, jaamaño miihai ijijovogo seeme badi mihicatihii. Imiyaago seeme badi mihicahi.

Sefano Mihica Mataajacuunofaño.

5 Miiro miihaico Cristo taajasuhinicuuhii sajeebii mihicacuuhii. Jaanegui toonofaño sefano mihica. Jaamoro siino tajiibaguiino ijijovototi miminifutucuudino.

² Uujoho Pablo jino amiihaico onoonoco muguubu. Siino amiihai meehe quiticicoo eetavoguiino miminifotohachijii, Cristo amiihaico taajasujitirahi.

³ Siino bu neehi: Cajaanihacho amiihai meeheque miquticicoo matajii bacafetehi paryi Moise tajiiba onoonoco imino momooniqui.

⁴ Tajiibaco imino momoonimaño Moocaani miihaico gaayiciji, noomoro mehesicinimo. Cristoditi sihigovi miminifutucuuhii, bu Moocaani gajijiti sihigovi miminifutucuuhii icano. ⁵ Jaanoti miihai Moocaani Gajifeenedi, bu miyaavogofeenedi icano mehesicinihii Moocaani miihaico agaayicicuunoco. ⁶ Jaamo Cristo Jesufaño di mihicacumaño miihaidi sihidi jeevacuutino miquticininoo, bu miquticiratinoo icano. Jaanoti naha miyaano ijaadama iicano magajimoro mimiyaavogono.

⁷ Iticoni amiihai imino mufuuhii. Jaarumoco, ¿miijoho amiihaico miyaanoco jeevesusuhii? ⁸ Toono ejeevesusuno amiihaico ucuuhuvaubo Moocaaniti asaano icatino. ⁹ Mehesicini, ajashuruno levaduraguiiji siihifaño paryi adicifihii. ¹⁰ Uujoho aivojii boco amiihaiditi esicinihii. Jaamo amiihai siino simaño di esamaaicuutimo mihicahi. Jaanoti amiihaico nijii nijii omoonisuhicamoco Moocaani idasuno moonijii, cajaanihacho icaruuboco.

¹¹ Tañahabomi, miiro uujoho quiticicoro jii buguruva judiomi uco jiihevejitirahi. Jaanova bu Cristo guijeve imoho jii bogo diitoco taficugusujitiruno. ¹² Jaamaño oono amiihaico quiticicoo jii bogomoro efehacamo. IJaanova paryi jisumiro finicuu jirumo fanuucu!

¹³ Tañahabomi, miiro amiihai mihicacafutuuhii tajiiba mityaguinioti mataajaqui. Jaarumo: Miihai jisumi mihimogobadi momoonijirahi, meneedino. Jilliro fahigovavi mejeevocasi magajicasinofaño di.

¹⁴ Miiro paryicino tajiiba onoono jinoovi sano ifetehi: Sitaaco gajii difiico agajii badiro, onoonovi. ¹⁵ Jaanoti amiihai meheeducasimoro muduucasihachijii, imino mehesicini sanomiro mifinisucasidino.

Moocaani Gaija Aacino.

(Rm 8.5)

¹⁶ Jino amiihaico onoono: Moocaani Gajifeenediro mihica. Jaachijii amiihai ifi iimogonoco momoonijitihii. ¹⁷ Miiro mofi iimogono Moocaani Gajijagaogodi icatihii. Jaabadiro bu Moocaani Gaija mofi iimogono jaagodi

icatíhi. Jaamaño amiíhai mihimugurunoco momoonijitíhi.

¹⁸ Jaanoti Moocaani Gaija amiíhaico isiigohachíji tajiíbaguino mihicacuutíhi.

¹⁹ Tíhiitino magaajacinicíhi mofi atajiíbanocoro omoonimo omoonifinoco: Jahisihijedi mogaimi iicatimehejema icamo, iidicunehejeque moonimo, fanoova imogocoro, ²⁰ jihovocaanimico iimomoro jeevivomo, gaibanicoro eetavomo, sitaaco jiihegueme, iibacasififimo, cigueguefifimo, chahanoti sifiiratefimo, dugaacufifimo, ijeevadi sitaama dugaavefimo, ²¹ sitaaco iinohallitiro jiihevefimo, sitaaco gaicaaufifimo, guiriicavefifimo, machuffifimo jilli iicanehejequere moonifimo. Jaanoco jino amiíhaico nuucuui iticoni enehinicubadi: Paryi jinehejeque omoonihicamo Moocaani aivojifaño feejitíhi.

²² Jaanoti naha Moocaani Gaija onoovasuno toono naha gaiji, imo ica, sajeebí ica, jaabici, sitaaco magaijino, imihuse, miyaavogo icano, bu ²³ siicujeebí mihicano, mofi esamaajeheneque miguiinonino icano. Jinehejehallivi chahano tajiíba tolli momoonijirahana onono.

²⁴ Jaamaño Cristota iicamo sano diito ifinoma fanoova imitico iimeguehicanhejeque jeevesucuui iguijevecuunobadi. ²⁵ Jino Moocaani Gaijafenedi mihicabadiro bu jaafa miíhaico diiboro ticuvusuhi paryi meheetavonehejefaño.

²⁶ Jaaneguiiha moficoro: Aivo mimityahi, noomoro sitaaco fiivusucutimo miicaqui, bu iinohallitiro sitaaco jiihevecuutimo miicaqui icano.

Fahigovavi Mahamusucasi.

6 Tañahabomi, saafi imitifaño aacotooboco mahatyimesumi amiíhai miyaavogofaño imino mihicacumo tolli iicamoco mahamusu siino miyaavogofaño quehecuno miicaqui. Jaamo siicuno amiíhai jeebíico miminiyumoro momooni. Amiíhai ifiico gaihuinimoro, tolliro bu amiíhai toonofaño mahaquetedino. ² Fahigovavi mahamusucasimoro sifi idasuno iicanoco mahamusu sifi bocinoma ofooboco mihicanicubadi. Tolliti jaamo imino Cristo tajiíbaco mihifutusuhi.

³ Jaanoti saatoho: Uujoho aivo síhidi gaajahi, noomoro ifiico esicinimo. Tolli iicamo ificoro bañíhi. ⁴ Famoovaro amiíhai ifiinoco imino magaaja. Jaadi jari imo imo mihica, amiíhai ifiíditiro sita ifiíditiro icatino. ⁵ Miíro famoova ijeevadisahaje iticovoocivi ibocico imiti jaadabadi iicano bocico satyeji.

⁶ Jaaneguiiha amiíhaico taajasujíibogoco jííibogomo amiíhai jííibogominaa iicamoco amiíhai busumijeti fanoovati mahaci.

⁷ Amiíhai ifiico mabañisudino: ¿Miíjoho Moocaanico dejecutihi? Paryi miyaminaa abasuno, paryíicino ícicafeteji. ⁸ Jaanoti saatoho ifiico imo imo omooninocoro abasumoco toono ifiíro diitedi ifinijitino guijeveque noovasuji. Jaanoti Moocaani Gaijaco imo imo omooninoco abasumoco Moocaani Gaija ifinijitino fiivoco onoovasuboro aciji. ⁹ Jaaneguiiha sufenitimo iiminoco momooniqui. Jaamo sufenitimo imino momoonihachíji ufucu inoovaco mihicíji. ¹⁰ Jaaneguiiha fahigovaro imino momoonijino iicanohachuta famoovaacoro imino momooniqui, imi janaanici miyaavogofañodi iicamo monahabomíico imino momooniqui.

**Afagoono, Niinohiimaa Iicanoco
Pablo Inoro Acaatinicuuno.**

¹¹ Memeeeci cono noono tyigabaje jino amiihaidi tahuseri caatinihi.

¹² Amiihaico meehe quiticiguiinovi ificuunoco iimeguehicamo moonihicahi, jilli miyaminaa diitoco iimeguequiuro, bu jaamoco miijoho Cristo guijeve imohohalliti jiihevetimo. ¹³ Jaarumo diito meehe quiticiguiinovi icarumo tajiiba onoonoco imino moonihicatih. Jaarumo imeguehicahi amiihai tolliro amiihai meeheque miquticinoco. Jaamoro toonoti ifico quehe quehe imooniqui amiihai ifi tolli iicanoco agaajacimoro. ¹⁴ Jaanoti naha uujoho jinehejeti tafiico quehe quehe omooninoco imogotih, idiinoro Mohaivojiiho Jesucristo imohovi iguijeveuneri imo imo icahi. Miuro Cristo guijeve imohofeenedi uudi paryi jiiinjeoneheje finihinicuuhi. Jaabadiro bu uudi toojiinije imitico iimeguehicauno finihinicuuhi. ¹⁵ Jaamaño Cristo Jesufaño di mihicacuume di jaaducafutucuutino miquticinino, miquticininitino icano sabadiro idiinoro naha ajaaducafotono bohono ifiima mihicano. ¹⁶ Jaanegui amiihai sajeebiima, Moocaani idasugonoma icano mihica. Amiihai jiiyadi iicanoco momoonimo, bu paryi famoro miyanotiro Moocaani cuumiminaa mihicamo icano.

¹⁷ Jaaneguiiha jisumi imugucuutih miihaiñooba uco siino itihisunoco. Miuro jino tahalliri iicano tatyujaavono jiiibeguehi uujoho Aivojiiho Jesu jeevivominaafi iicanoco.

¹⁸ Tañahabomi, jaafa paryi amiihaico Mohaivojiiho Jesucristo imino moonih. Fine.